

## Rujanac Mustafa, dipl.inž.geod.



Dana 01.06.2008. godine preminuo je kolega Rujanac Mustafa.

Rođen je 03.07.1956. godine u Donjem Vakufu. Diplomirao je na Odsjeku za geodeziju Građevinskog fakulteta u Sarajevu 1981. godine i stekao zvanje diplomiranog geodetskog inženjera.

Kao pripravnik se zaposlio u Općinu Donji Vakuf, gdje je radio sve do smrti. U toku radnog vijeka obavljao je poslove referenta za premjer i održavanje komunalnih instalacija do 1986. godine, kad je postao direktor Opštinske uprave za geodetske poslove i katastar nekretnina Općine Donji Vakuf. Kao iskusan stručnjak i dobar rukovodilac 1999. godine biva postavljen na mjesto Pomoćnika načelnika za prostorno uređenje, katastar i imovinsko-pravne poslove.

Ostat će upamćen kao Medijator državne službe općine Donji Vakuf od 11.04.2005. godine.

Bio je pripadnik Armije Republike BiH od 08.05.1992. do 15.02.1996. godine.

Smrt ga prekida u obavljanju veoma aktivnog društvenog života. Udruženje lovaca i ribolovaca će zauvijek ostajti uskraćeno za nesebičan rad i zalaganje ovog cijenjenog aktiviste.

Skladan porodični život proveo je sa suprugom Nerminom, s kojom je imao dvije kćerke: Selmu i Ajlu, vrijedne studentice Biohemijskog i Zdravstvenog fakulteta. Ukopan je u mezarju Igralište koje se nalazi pored magistralne ceste prema Travniku. Ispraćen je od porodice, rodbine, prijatelja i velikog broja njegovih sugrađana. Kolega Mustafa Rujanac pamtit će se kao vrstan stručnjak, kolega, prijatelj i humanista. Njegovom smrću geodetska struka kao i društvena zajednica pretrpila je veliki gubitak. Vječni rahmet neka je njegovoj plemenitoj duši.

*Nermina, Selma i Ajla Rujanac*